

ა(ა)იპ ქ. გორის მუნიციპალიტეტის მერიის სკოლამდელი
სააღმზრდელო დაწესებულება N1 საბავშვო
ბაგა-ბაღი

საბავშვო ბაგა-ბაღისათვის ხილის და ბოსტნეულის შესყიდვა გამარტივებული ელექტრონული
ტენდერის საშუალებით

სატენდერო დოკუმენტაცია

კლასიფიკატორის (CPV) კოდი და კლასიფიკატორის დანაყოფი

03200000 - ხილი და ბოსტნეული

შესყიდვის სავარაუდო ღირებულება - 16945 ლარი
წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს
კანონის საფუძველზე

სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია
ვებგვერდზე:

http://procurement.gov.ge/getattachment/ELibrary/Manuals/SPA_UM.pdf.aspx

2016 წელი

ქ. გორი

სარჩევი

1. ტექნიკური მოთხოვნები
 2. დამატებითი ინფორმაცია:
 3. სახელმწიფო შესყიდვების შესახებ ხელშეკრულების პროექტი
- დანართი #1
- დანართი #2

- 1.1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:
- 1.1.1.1 ფასების ცხრილი დანართი #1- ის მიხედვით;
- 1.1.1.2 საბანკო რეკვიზიტები, ხელმძღვანელობაზე/წარმომადგენლობაზე უფლებამოსილი პირის სახელი და გვარი დანართი #2-ის მიხედვით;
- 1.1.2 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას 1.1.1 - 1.1.10 პუნქტებში განსაზღვრულ მოთხოვნებზე.
- 1.1.3 პრეტენდენტის მიერ წარმოდგენილი სატენდერო წინადადების ფასი უნდა მოიცავდეს შესყიდვის ობიექტის მიწოდებასთან დაკავშირებულ ყველა ხარჯს, დღგ-ს (დღგ-ს გადამხდელის შემთხვევაში), ტრანსპორტირების, გადასახადებისა და მოსაკრებლების და სხვა ხარჯებს.
- 1.1.4 შესყიდვის ობიექტი (ტექნიკური დავალება)

N	დასახელება	მახასიათებლები	განზომილება	რაოდენობა
1	ბრინჯი	მარცვალი გამჭირვალე, თეთრი ან მოყვითალო შეფერილობის, მოგრძო ფორმის, ობისა და სინესტის გარეშე, არ უნდა იყოს დამტვრეული. მთელი მარცვლების წილობრივი მასა უნდა შეადგენდეს არანაკლებ 100% –ს უცხო მინარევების გარეშე. არ უნდა შეიცავდეს ორგანიზმისათვის საშიშ ქიმიურ ელემენტებს და გენმოდიფიცირებულ ორგანიზმებს.	კილოგრამი	800
2	წიწიბურა	თითოეული მოწოდებული პარტია უნდა იყოს მოყავისფრო, ღია ჩალისფერი (ობისა და სინესტის გარეშე), სუნი – დამახასიათებელი გარკვეული ნიმუშისათვის, მთელი მარცვლების წილობრივი მასა უნდა შეადგენდეს არანაკლებ 97-99% –ს უცხო მინარევების გარეშე. არ უნდა შეიცავდეს ორგანიზმისათვის საშიშ ქიმიურ ელემენტებს და გენმოდიფიცირებულ ორგანიზმებს.	კილოგრამი	1100
3	შვრია	თითოეული მოწოდებული პარტია უნდა იყოს მონაცრისფრო, კრემისფერიდან– მოყვითალომდე. სუნი–მსუბუქი შვრიის. ობის, შმორის და უცხო მინარევების გარეშე. არ უნდა შეიცავდეს ორგანიზმისათვის საშიშ ქიმიურ ელემენტებს და გენმოდიფიცირებულ ორგანიზმებს, შეესაბამებოდეს ამ სფეროში არსებულ სტანდარტებს და ტექნიკურ ნორმებს. შეფუთული და სათანადოდ ეტიკეტირებული.	კილოგრამი	900
4	კარტოფილი	თითოეული მოწოდებული პარტია უნდა იყოს მშრალი, მკვრივი, საღი, ღივის გარეშე, სუფთა, მიწის შემცველობა არ უნდა იყოს საერთო წონის 1%-ზე მეტი. არ უნდა აღენიშნებოდეს გულის სიდამპლე, ტუბერის მექანიკური, ბაქტერიოლოგიური და სხვადასხვა მავნებლებისგან მიყენებული დაზიანებები, არ უნდა იყოს მოყინული და მომწვანო შეფერილობის. თითოეულ მოწოდებულ პარტიაში კარტოფილის მინიმალური დიამეტრი უნდა იყოს არანაკლებ 7 სმ–ისა. დასაშვებია საერთო წონასთან შეფარდებით არაუმეტეს 20 %-ისა ტუბერის დიამეტრი იყოს 6-7 სმ. გამოსავლიანობა პირველადი დამუშავების შემდეგ – არანაკლებ 75%. თითოეული კარტოფილის საშუალო წონა უნდა იყოს 100–300 (+–15) გრამამდე.	კილოგრამი	2000
5	ხახვი	თითოეული მოწოდებული პარტია უნდა იყოს თხელფოთლიანი, საღი, სუფთა, მშრალი, მკვრივი, ღივის და მოყინვის გარეშე. არ უნდა აღენიშნებოდეს მექანიკური და ბაქტერიოლოგიური დაზიანებები. მინიმალური დიამეტრი 5-7სმ.	კილოგრამი	500

6	კომბოსტო	–თითოეული მოწოდებული პარტია უნდა იყოს მშრალი, მკვრივი, თხელკანიანი, საღი, სუფთა, მოყინვის, შავი წერტილების გარეშე. არ უნდა აღენიშნებოდეს მექანიკური, ბაქტერიოლოგიური, და სხვადასხვა მავნებლებისგან მიყენებული დაზიანებები. თითოეულის მინიმალური დიამეტრი არანაკლებ 15-25 სმ.	კილოგრამი	1000
7	ჭარხალი	თითოეული მოწოდებული პარტია უნდა იყოს საღი, სუფთა, მშრალი, მკვრივი, პრიალა ზედაპირით, ნაკლებადმარღვიანი, მუქი წითელი ფერის. არ უნდა აღენიშნებოდეს მექანიკური, ბაქტერიოლოგიური, სოკოვანი და სხვადასხვა მავნებლებისგან მიყენებული დაზიანებები, ნეკროზული ლაქების გარეშე. ბოლქვის დიამეტრი 8-12 სმ–მდე. მიწის შემცველობა არ უნდა იყოს საერთო წონის 0,5%–ზე მეტი.	კილოგრამი	500
8	სტაფილო	თითოეული მოწოდებული პარტია უნდა იყოს მშრალი, მკვრივი, საღი, სუფთა, მოყინვის და დაზიანებების გარეშე. არ უნდა აღენიშნებოდეს მექანიკური, ბაქტერიოლოგიური, სოკოვანი და სხვადასხვა მავნებლებისგან მიყენებული დაზიანებები. თითოეულის მინიმალური სიგრძე არანაკლებ 13-20 სმ.	კილოგრამი	700
9	ლობიო	თითოეული მოწოდებული პარტია უნდა იყოს მალე ხარშვადი, სუნი – დამახასიათებელი გარკვეული ნიმუშისათვის, მთელი მარცვლების წილობრივი მასა უნდა შეადგენდეს არანაკლებ 100% –ს უცხო მინარევების გარეშე. არ უნდა შეიცავდეს ორგანიზმისათვის საშიშ ქიმიურ ელემენტებს და გენმოდიფიცირებულ ორგანიზმებს.	კილოგრამი	500
10	ნიორი	–თითოეული მოწოდებული პარტია უნდა იყოს საღი, სუფთა, მშრალი, მკვრივი, ღივის გარეშე. არ უნდა აღენიშნებოდეს მექანიკური და ბაქტერიოლოგიური დაზიანებები. მინიმალური დიამეტრი 4-6 სმ–მდე. გულის გამოსავლიანობა არანაკლებ 80%–სა. მიწის შემცველობის გარეშე.	კილოგრამი	40
11	ბულგარული წიწაკა - სეზონურად	–თითოეული მოწოდებული პარტია უნდა იყოს საღი, სუფთა, მშრალი, მკვრივი. არ უნდა აღენიშნებოდეს მექანიკური და ბაქტერიოლოგიური დაზიანებები.	კილოგრამი	200
12	ბროკოლი - სეზონურად	–თითოეული მოწოდებული პარტია უნდა იყოს მშრალი, მკვრივი, საღი, სუფთა, მოყინვის, გარეშე. არ უნდა აღენიშნებოდეს მექანიკური, ბაქტერიოლოგიური, და სხვადასხვა მავნებლებისგან მიყენებული დაზიანებები.	კილოგრამი	350
13	ყვავ. კომბოსტო - სეზონურად	–თითოეული მოწოდებული პარტია უნდა იყოს მშრალი, მკვრივი, საღი, სუფთა, მოყინვის, გარეშე. არ უნდა აღენიშნებოდეს მექანიკური, ბაქტერიოლოგიური, და სხვადასხვა მავნებლებისგან მიყენებული დაზიანებები.	კილოგრამი	350
14	ხილი(ატამი, ვაშლი, ვაშლატამა, ქლიავი, ფორთოხალი, გარგარი, კივი, მანდარინი, ფეიხოა) - სეზონურად	ყოველ მოწოდებულ პარტიაში დასაშვებია არაუმეტეს 80% ვაშლი. ხილი უნდა იყოს საშუალო ზომის, მკვრივი, მწიფე, საღი, ჭკნობის ნიშნების, მავნებლების, მექანიკური და ბაქტერიოლოგიური დაზიანებების გარეშე.	კილოგრამი	2000

1.1.4.2 ტრანსპორტირება უნდა განხორციელდეს სპეციალიზირებული ავტოტრანსპორტით (ისეთი სატრანსპორტო საშუალება(ები), სადაც დაცული იქნება ტრანსპორტირებისათვის აუცილებელი ტემპერატურული რეჟიმი და სანიტარულ-ჰიგიენური ნორმები.

1.1.5 სტანდარტები

1.1.5.1 მიწოდებული პროდუქცია (დაუშვებელია სახეობისათვის დამახასიათებელი დავადების არსებობა, უნდა იყოს უმაღლესი/პირველი ხარისხის, პირველი კატეგორია) უნდა აკმაყოფილებდეს საქართველოში მოქმედ სტანდარტებსა და სანიტარულ-ჰიგიენურ ნორმებს. ტრანსპორტირება უნდა განხორციელდეს კონკრეტული სახეობისათვის მოქმედი სტანდარტებისა და საქართველოში მოქმედი სანიტარულ-ჰიგიენური ნორმების სრული დაცვით.

1.1.6 კონტროლი

1.1.6.1 შემსყიდველს უფლება აქვს განახორციელოს კონტროლი (მათ შორის არაუმეტეს ერთხელ აკრედიტირებული ლაბორატორიის შემოწმება, რომლის ხარჯებსაც აანაზღაურებს მიმწოდებელი) ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ.

1.1.7 მიწოდების ადგილი, ვადები და პირობები:

1.1.7.1 ხელშეკრულების ხელმოწერიდან 2017 წლის 30 დეკემბრის ჩათვლით, სამუშაო დღეებში, ეტაპობრივად, თვეში არაუმეტეს 4-ჯერ, მიმწოდებელმა შემსყიდველის მიერ განსაზღვრული გეგმა

– გრაფიკის შესაბამისად, საკუთარი ხარჯებით უნდა უზრუნველყოს საქონლის მიწოდება საქართველოს კანონმდებლობით გათვალისწინებული თანმხლები დოკუმენტაციით **ქ. გორი, თბილისის ქ. N12-ში და ქ. გორი, თოიძის ქ. N2-ში.**

1.1.7.2 მიმწოდებელი, შემსყიდველისგან მიღებული გეგმა-გრაფიკის საფუძველზე, ვალდებულია 3 სამუშაო დღის ვადაში მოახდინოს საქონლის სრულად მიწოდება. მისაწოდებელი საქონლის რაოდენობის და მიწოდების ადგილების შესახებ მიმწოდებლის ინფორმირებულობა მოხდება მიწოდების დაწყებამდე არაუგვიანეს 2 სამუშაო დღით ადრე. ინფორმაციის მიწოდება მოხდება მიმწოდებლის ელექტრონულ ფოსტაზე.

1.1.7.3 მიწოდებული პროდუქტების ყოველი პარტიიდან, შემსყიდველის მიერ გარკვეული ნაწილის დაწუნების (უხარისხობის გამო) შემთხვევაში, მიმწოდებელი ვალდებულია არაუგვიანეს მომდევნო დღის 9:00 საათისა ჩაანაცვლოს იგი სატენდერო დოკუმენტაციით განსაზღვრული საქონლის ხარისხობრივი მახასიათებლების შესაბამისი საქონლის სრული მოცულობით, წინააღმდეგ შემთხვევაში აღნიშნული მიწოდება ჩაითვლება არასრულყოფილ მიწოდებად და მიმწოდებელს დაეკისრება პირგასამტეხლო.

1.1.8 ანგარიშწორების პირობები

1.1.8.1 ანგარიშწორება განხორციელდება მიწოდებული საქონლის რაოდენობის, შესაბამისი ფინანსური დოკუმენტაციის წარმოდგენის და მიღება - ჩაბარების აქტის გაფორმებიდან არაუგვიანეს 30 კალენდარული დღის ვადაში;

1.1.8.2 ანგარიშწორება იწარმოებს უნაღდო წესით, ეროვნულ ვალუტაში;

1.1.8.3 წინასწარი გადახდის მექანიზმი არ გამოიყენება;

1.1.8.4 დაფინანსების წყარო - 2017 წლის ადგილობრივი ბიუჯეტი.

1.1.9.1 იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე არაუგვიანეს 3 (სამი) სამუშაო დღის ვადაში უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტაცია. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, სასაქონლო ზედნადებით, ანგარიშგაქტურით (ინვოისით), რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

1.1.10.1 პრეტენდენტს არა აქვს უფლება წარმოადგინოს ალტერნატიული წინადადება;

1.1.10.2 პრეტენდენტის ვალდებულია წარმოადგინოს სრულყოფილად შევსებული ტექნიკური დოკუმენტაცია, რომელიც ხელმოწერილი და ბეჭედ დასმული (არსებობის შემთხვევაში) უნდა იყოს უფლებამოსილი პირის ან მისი ნდობით აღჭურვილი პირის მიერ (საქართველოს კანონმდებლობის

მოთხოვნებით დამოწმებული მინდობილობის საფუძველზე). ტენდერთან დაკავშირებული დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი.

2. დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის მოდულის – „კითხვა/პასუხის“ მეშვეობით ან/და სატენდერო კომისიის აპარატში, ქ. გორი, თოიძის ქ. N2-ში, საკონტაქტო პირი : **ლალი ბაიაძე - 577-95-44-19;**

3. სახელმწიფო შესყიდვების შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

წინამდებარე ხელშეკრულება დაიდო

2017 წ.

ერთის მხრივ, ა(ა)იპ
(შემდგომში „შემსყიდველი“) წარმოდგენილი დირექტორის
სახით და მეორეს მხრივ, (შემდგომში „მიმწოდებელი“), „სახელმწიფო შესყიდვების შესახებ“ საქართველოს კანონის საფუძველზე ვდებთ წინამდებარე ხელშეკრულებას შემდეგზე. იმის გათვალისწინებით, რომ შემსყიდველმა ჩაატარა გამარჯვებული ელექტრონული ტენდერი (SPA) საბავშვო ბაგა-ბაღისთვის ხილის და ბოსტნეულის შესყიდვის მიზნით (CPV - 03200000), რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება მიაწოდოს შემსყიდველს ზემოთ აღნიშნული საქონელი

შემდეგ თანხაზე: ლარი, საქონლის მიწოდებასთან დაკავშირებით საქართველოს კანონმდებლობით გათვალისწინებული ყველა გადასახადის ჩათვლით (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.3 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;

1.4 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

2.1 ხელშეკრულების ფარგლებში მოწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.

2.1 მიწოდებული პროდუქცია უნდა (დაუშვებელია პროდუქციისთვის დამახასიათებელი დაავადების არსებობა, უნდა იყოს უმაღლესი/პირველის ხარისხის, პირველი კატეგორიის) აკმაყოფილებდეს საქართველოში მოქმედ სტანდარტებსა და სანიტარულ-ჰიგიენურ ნორმებს. ტრანსპორტირება უნდა განხორციელდეს კონკრეტული სახეობისათვის მოქმედის სტანდარტებისა და საქართველოში მოქმედი სანიტარულ-ჰიგიენური ნორმების სრული დაცვით.

2.2 საკვები პროდუქტები უნდა შეესაბამებოდეს საქართველოს შრომის, ჯანმრთელობის და სოციალური დაცვის მინისტრის 2001 წლის 16 აგვისტოს №301/ნ ბრძანების “სასურსათო ნედლეულისა და კვების პროდუქტების ხარისხისა და სანიტარული წესებისა და ნორმების” მოთხოვნებს.

3. ხელშეკრულების შესრულების კონტროლი

3.1 შემსყიდველს უფლება აქვს განახორციელოს კონტროლი (მათ შორის არაუმეტეს ერთხელ აკრედიტირებული ლაბორატორიის შემოწმება, რომლის ხარჯებსაც აანაზღაურებს მიმწოდებელი) ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ.

3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით

გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა, წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა.

3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს შესაბამისი საბავშვო ბაგა-ბაღის დირექტორი

4. საქონლის ტექნიკური პარამეტრები და მიწოდების პირობები

4.1 საქონლის ტექნიკური პარამეტრები მოცემულია ფასების ცხრილში - დანართი №1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

4.2 ხელშეკრულების ხელმოწერიდან 2016 წლის 30 დეკემბრის ჩათვლით, სამუშაო დღეებში, ეტაპობრივად, თვეში არაუმეტეს 4-ჯერ, მიმწოდებელმა შემსყიდველის მიერ განსაზღვრული გეგმა – გრაფიკის შესაბამისად, საკუთარი ხარჯებით უნდა უზრუნველყოს ახალი მაღალხარისხიანი საქონლის მიწოდება საქართველოს კანონმდებლობით გათვალისწინებული თანმხლები დოკუმენტაციით შემსყიდველის მისამართზე.

4.3 მიმწოდებელი, შემსყიდველისგან მიღებული გეგმა-გრაფიკის საფუძველზე, ვალდებულია 3 სამუშაო დღის ვადაში მოახდინოს საქონლის სრულად მიწოდება. მისაწოდებელი საქონლის რაოდენობის და მიწოდების ადგილების შესახებ მიმწოდებლის ინფორმირებულობა მოხდება მიწოდების დაწყებამდე არაუგვიანეს 1 სამუშაო დღით ადრე. ინფორმაციის მიწოდება მოხდება მიმწოდებლის ელექტრონულ ფოსტაზე.

4.4 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.

4.5 მიწოდებული პროდუქტების ყოველი პარტიიდან, შემსყიდველის მიერ გარკვეული ნაწილის დაწუნების (უხარისხობის გამო) შემთხვევაში, მიმწოდებელი ვალდებულია არაუგვიანეს მომდევნო დღის 9:00 საათისა ჩაანაცვლოს იგი სატენდერო დოკუმენტაციით განსაზღვრული საქონლის ხარისხობრივი მახასიათებლების შესაბამისი საქონლით, სრული მოცულობით, წინააღმდეგ შემთხვევაში აღნიშნული მიწოდება ჩაითვლება არასრულყოფილად მიწოდებაში და მიმწოდებელს დაეკისრება პირგასამტეხლო.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება განხორციელდება საქონლის მიწოდების განხორციელების შემდეგ შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

5.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5.3 შემსყიდველის მხრიდან მიღება - ჩაბარების აქტზე უფლებამოსილი პირია ბაგა- ბაღის დირექტორი.

6. ანგარიშსწორება

6.1. ანგარიშსწორება მოხდება უნაღდო ანგარიშსწორებით ლარში.

6.2 ანგარიშსწორება მოხდება საქონლის მიწოდებისა და მიღება-ჩაბარების აქტის გაფორმებიდან არაუგვიანეს 30 კალენდარული დღის განმავლობაში.

6.3 დაფინანსების წყარო - ადგილობრივი ბიუჯეტი.

7. ფასები

7.1 მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

7.2 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. ხელშეკრულებაში ცვლილებების შეტანა

8.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარეშე.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

9.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

10. სუბკონტრაქტორები

10.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს სუბ-კონტრაქტორ(ებ)ის აყვანის ან შეცვლის შესახებ (სუბ-კონტრაქტორის აყვანის აუცილებლობის მიზეზების დასაბუთებით). სუბ-კონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებარე ხელშეკრულების დამატების სახით.

10.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

10.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

11. ხელშეკრულების პირობების შეუსრულებლობა

11.1 ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ გადაგადაცილებულ დღეზე ხელშეკრულების საერთო ღირებულების 0.1%-ის ოდენობით.

11.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის გაგრძელებულ ვადებში არ შეუძლია მიაწოდოს საქონელი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

12.2 ხელშეკრულების ცაკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან;

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით

აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულებაში სხვა რამ არ არის გათვალისწინებული.

15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად. ინსპექტირებული იქნება საქართველოს კანონმდებლობის მიხედვით.

16. ხელშეკრულების ენა

16.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებათა დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

17. შეტყობინება

17.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2 შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. გადასახადები და დაბეგვრა

18.1 უცხოელი მიმწოდებელი პასუხს აგებს მისაწოდებელი საქონლის წარმოებასა და მიწოდებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

18.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

19. ხელშეკრულების მოქმედების ვადა

19.1 წინამდებარე ხელშეკრულება ძალაში შედის მისი ხელმოწერის თარიღიდან და ძალაშია _____

ჩათვლით.

20. სხვა პირობები

20.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

20.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

20.3 ხელშეკრულება შედგენილია ქართულ ენაზე, ორ ეგზემპლარად (ერთი რჩება შემსყიდველისთვის, ხოლო ერთი მიმწოდებლისთვის), რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

20.4 გამარჯვებული პრეტენდენტის მიერ წარმოდგენილი ფასების ცხრილი თან ერთვის ხელშეკრულებას და წარმოადგენს მის განუყოფელ ნაწილს.

20.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

21. მხარეთა რეკვიზიტები

ფასების ცხრილი

#	დასახელება	მახასიათებლები	გ/ე	რაოდენობა	წარმოშობის ქვეყანა	ერთეულის ფასი	მთლიანი ფასი
1							
	ჯამი						

უფლებამოსილი პირის ხელმოწერა და ბეჭედი (არსებობის შემთხვევაში)

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი: პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშის ნომერი:

უფლებამოსილი პირის ხელმოწერა და ბეჭედი (არსებობის შემთხვევაში)